

Na osnovu Odluke Senata Univerziteta u Sarajevu, broj: 01-18-56/23 od 29. 11. 2023. godine, te Odluke Vijeća Univerziteta u Sarajevu – Pedagoškog fakulteta, broj: 23- 01-2164/23 od 6.12.2023. godine, Univerzitet u Sarajevu – Pedagoški fakultet raspisuje

**KONKURS**  
**za upis polaznika na program necikličnog obrazovanja**  
**„Prekvalifikacija za rad u predškolskom odgoju i obrazovanju“**

I

Program je namijenjen za bachelore, magistre ili profesore razredne nastave te za bachelore, magistre ili profesore pedagogije.

Konkursom je predviđen upis minimalno 30 polaznika (ukupno za obje grupe) koji ispunjavaju predviđene uvjete.

Uvjeti za upis:

- Završen trogodišnji, četverogodišnji ili petogodišnji studij razredne nastave (180, 240, 300 ECTS bodova) – bachelor, magistar ili profesor razredne nastave
- Završen trogodišnji, četverogodišnji ili petogodišnji studij pedagogije (180, 240, 300 ECTS bodova) – bachelor, magistar ili profesor pedagogije

Rok za prijavu je 10 dana od dana objavljivanja Konkursa u dnevnom listu "Dnevni avaz".

Nakon zatvaranja Konkursa objavit će se rang-lista kandidata na web-stranici Univerziteta u Sarajevu [www.unsa.ba](http://www.unsa.ba) i web-stranici Pedagoškog fakulteta [www.pf.unsa.ba](http://www.pf.unsa.ba).

Program traje dva semestra bez vezivanja za akademski kalendar Univerziteta u Sarajevu. Realizirat će se kroz predavanja, vježbe, metodičku i samostalnu profesionalnu praksu, što je definirano navedenim programom.

Uvjeti za završetak programa:

- odslušana teorijska nastava i izvršeni svi zadati teorijski i praktični zadaci, uspješno realizirana samostalna profesionalna praksa i položeni završni ispiti iz predviđenih predmeta.

Po završetku programa necikličnog obrazovanja „Prekvalifikacija za rad u predškolskom odgoju i obrazovanju“ polaznik stječe izlazni certifikat kojim se potvrđuje da je završio certificirani program „Prekvalifikacija za rad u predškolskom odgoju i obrazovanju“, uz koji dolazi i dodatak izlaznog certifikata.

Završenim programom necikličnog obrazovanja „Prekvalifikacija za rad u predškolskom odgoju i obrazovanju“ polaznici stječu 60 ECTS bodova.

Nosilac programa je Univerzitet u Sarajevu – Pedagoški fakultet.

Realizacija programa će početi nakon utvrđivanja konačne rang-liste.

Utvrđena cijena za pohađanje programa po polazniku je:

- 1.500 KM za polaznike učitelje ukoliko ima 15 i više polaznika,
- 1.600 KM za polaznike pedagoge ukoliko ima 50 i više polaznika.

Cijene se koriguju srazmjerno broju kandidata.

Uz svojeručno potpisanu prijavu na Konkurs, sa spiskom dostavljene dokumentacije, kandidati dostavljaju sljedeće:

- Biografiju (CV)
- Diplomom o završenoj odgovarajućoj stručnoj spremi
- Dodatak diplomi
- Rješenje o nostrifikaciji diplome za kandidate koji su stekli prethodno obrazovanje izvan Bosne i Hercegovine
- Izvod iz matične knjige rođenih
- Uvjerenje o državljanstvu (ne starije od 6 mjeseci od dana objavljivanja konkursa)

Konkursna dokumentacija dostavlja se u originalu ili ovjerenoj fotokopiji.

Konkurs je objavljen dana 11.12.2023. godine u dnevnom listu "Dnevni avaz", na web-stranici Univerziteta u Sarajevu – [www.unsa.ba](http://www.unsa.ba) i na web-stranici Univerziteta u Sarajevu - Pedagoškog fakulteta – [www.pf.unsa.ba](http://www.pf.unsa.ba).

Nepotpune i neblagovremene prijave neće se uzimati u razmatranje.

Prijave sa dokumentacijom predviđenom Konkursom podnose se putem preporučene pošte na adresu:

Univerzitet u Sarajevu – Pedagoški fakultet, Sekretarijat, sa naznakom

„Prijava za upis polaznika na program *Prekvalifikacija za rad u predškolskom odgoju i obrazovanju* – NE OTVARAJ, OTVARA KOMISIJA", Skenderija 72, 71 000 Sarajevo.

Dodatne informacije o Konkursu mogu se dobiti na broj tel.: +387 33 20 45 49.